

特約  
描述香港新界風土名勝大

九九

江山故人

一  
禁  
止  
轉  
載

上水鄉（原名鳳水鄉）  
廖氏之先世、原居江西寧都賴  
坪禾田、元初、由閩之粵、至  
落籍上水、至明萬曆年間、  
始聚族而居、子孫蕃衍、至  
今幾及二千人、該鄉士人曰  
、新界大族、新田居首、上  
水次之也、其淵源之所自、  
當有足稱者、據廖氏族譜載  
、廖氏乃高陽氏裔子叔安後  
也、封國於懿、因國爲姓、至  
春秋時、懿伯高易懿爲廖、  
遂相沿以廖氏世傳焉、其系

始於西晉鎮國大將軍子瑞王  
璫者、晉武帝咸寧二年、  
以武功封左衛鎮國大將軍  
、由京之洛陽、實爲南京始  
祖、配夫人藍氏、生二子  
、長曰原憲、襲封鎮國大將  
軍、居洛陽、次曰從憲、傳  
至廿九世德祿、其子仲傑、  
配孺人侯氏、生二子曰白玉  
、宋之迪功郎也、開籍後、  
復施閩、既死、與其孺人侯  
氏葬於金錢村後天罡莆、牛  
眠形、又名將軍帽、至重陽

乃公祭、是爲廖氏落籍上水之一世祖、時在元代之初集也、及中葉、族漸滋蕃、分三房散處、長房松崖居河北之上、名上水村、應武回閭、二房應龍、居丙崗（櫛山廟故址）、三房應綱居河北之下、隔田、龍眼園、下水等處、應紀居小坑村（近龍躍頭）、至七世祖允佑、號幽沙、配孺人蔡氏、精風鑑術、鑒於族人散處之非計、因擇前圍場、定其規模、卜其方向、使散處者聚而居焉、時萬曆年間也、後以禦李萬榮之亂、集議築圍、順

治三年丙戌九月初三日起建、丁亥年竣工、該族科名頤盛、嘗有五人、皆任太守、因號其宗祠曰萬石、扁額曰澤綿萬石、又有有容、有執兄弟、有容拔貢生、有執以十八歲舉孝廉、鄉人咸以神童稱之、至今仍傳爲佳話云、其他如兵部主政、貢元、恩魁、文魁之屬亦遍懸於宗祠內、所以紀念同治四年會元應鶴年、宣統元年己酉科第一名恩貢生閩鳳琨、道光二十六年第一名歲貢生廖正遂及道光二十九年第三十六名舉人廖汝翼也、分居該鄉者十六世至二十二世云、